

" মিষ্টি বাচ্চারা - পুরোপুরি রাজ্যাধিকার নেওয়ার জন্য এক বাবার সাথে সম্পূর্ণ প্রীত রাখো , তোমাদের প্রীত কোনও দেহধারীর প্রতি রাখা উচিত নয় "

প্রশ্ন:- যারা দৈবী সম্প্রদায়ের হবে তাদের কাছে কোন কথার গুরুত্ব থাকবে ?

উত্তর :- যখন তোমরা ওদের বলবে যে , বাবাকে স্মরণ করলে বিকর্ম বিনাশ হয় আর দেবী - দেবতা ধর্মের স্থাপনা হয় , তখন এই কথাগুলো ওদের মনে গুরুত্ব পাবে । ওদের বুদ্ধিতে আসবে আমাদের দেবী -দেবতা তৈরি হতে হবে এইজন্য আমাদের থাওয়া -দাওয়া শুদ্ধ রাখা উচিত ।

গীত :- ভোলানাথের থেকে নিরালা. . .

ওম্ শান্তি । ভোলানাথের বাচ্চারা ভোলানাথের থেকে শুনছে । ভোলানাথ শিবকেই বলা হয়ে থাকে । ঔঁনার নামই শিব । ভোলানাথের বাচ্চা অর্থাৎ শিবের বাচ্চা । আত্মারা এই কান দ্বারা শুনছে । এখন তোমরা বাচ্চারা আত্ম -অভিমানী হয়েছ । বাচ্চারা টেপ রেকর্ডে মুরলি শুনে বুঝে যায় শিববাবা আমাদেরকে নিজের পরিচয় দিচ্ছেন , আমি সব আত্মাদের পিতা- যাঁকে তোমরা পরমপিতা পরম আত্মা বা পরমাত্মা বলা । ওনাকে সর্বদা ফাদরই বলা হয় । উনি যে ফাদর এ কথা কে বলে? আত্মা । আত্মার এখন জ্ঞান হয়েছে আর কোনও মনুষ্য মাত্রেই এই জ্ঞান নেই । আমরা আত্মাদের দুই বাবা । এক হলেন সাকার আরেক হলেন নিরাকার । উনি যে পরমপিতা এই বোধোদয় আর কেউ জাগাতে পারেনা । বাবা ছাড়া এই কথা দ্বিতীয় কেউ জিজ্ঞাসা করতে পারেনা । বাবাই জিজ্ঞাসা করেন তোমরা যে বলা পরমপিতা পরমাত্মা ,গড ফাদর ওই শব্দ তোমরা কার জন্য বল? লৌকিক বা পারলৌকিক বাবার জন্য ? লৌকিক বাবাকে গড ফাদর কি বলবে ? হিন্দি শব্দ পরমপিতা তো এক নিরাকারই বোঝায় । ঈশ্বর ,প্রভু বা ভগবান বললে বাবা প্রমাণ হয়না । গড ফাদর শব্দ বেশ ভালো । আত্মা বলেছে উনি আমাদের গড ফাদর । লৌকিক ফাদর শুধুমাত্র শরীরের বাবা । তোমাদের সকলকে জিজ্ঞাসা করা হচ্ছে -তোমাদের বাবা ক'জন ? এক তো লৌকিক ,দ্বিতীয় পারলৌকিক । এই দুইয়ের মধ্যে বড় কে ? নিশ্চয়ই বলবে পারলৌকিক ফাদর । ঔঁনার মাহাত্ম্য উনি সব পতিতকে পবিত্র বানান । এখন তোমরা তা বুঝে গেছ । দুনিয়ার লোকেরা কেউ এসব বোঝেনা । বাবা তোমাদের বুঝিয়েছেন - তোমাদের পারলৌকিক বাবার সাথে প্রীত থাকে । অন্যদের হয় বিনাশকালে বিপরীত বুদ্ধি । মহাভারতের যে গল্প তোমরা শুনছ তা এখন শুরু হবে । যুদ্ধ - বিমান , কামান ইত্যাদি সকলেই একে অপরের সাথে যার যেরকম চাই পয়সার বিনিময়ে আদানপ্রদান করছে । ধার-বাকিতেও নেয় । প্লেন , বারুদ ইত্যাদি সব কেনে , এসবই অত্যন্ত দামী । বিলেতের লোকেরা তৈরি ক'রে সেসব আবার বেচে দেয় । ভারতবাসী আদৌ এরোপ্লেন ইত্যাদি বিক্রি করে ! এই জিনিস সবই বাইরে থেকে আসে । এখন যে জিনিস কেনা হচ্ছে তার তো অবশ্যই ব্যবহার হবে । ফেলে দেওয়ার জন্য তো আর নেয় না ! ওরা সব বিনাশকালে বিপরীত বুদ্ধি যাদব সম্প্রদায় , যারা ইউরোপে থাকে । ওদের মধ্যে সব এসে গেছে । ভারত তো অবিনাশী খণ্ড কেননা অবিনাশী বাবার জন্মভূমি । বাবা আসেনই তখন ,যখন পুরনো দুনিয়া সমাপ্তির মুখে আর জন্ম সেখানেই নেন যেখানে কখনও শেষ হয়না । বাবা এসেছিলেন তাই তো শিব জয়ন্তী পালন হয় কিন্তু ওদের এটা জানা নেই শিববাবা কখন আসেন ! আসেন সেই সময়ে যখন বিনাশের প্রস্তুতি চলে । এখন বাবা

বলেন যে ইউরোপবাসী যাদব সম্প্রদায়ের সত্যযুগে কোনো ভূমিকা থাকেনা। না বৌদ্ধ, কৃষ্টিয়ানদের কোনো ভূমিকা থাকে। বাবা এখন বলছেন ওদেরই বিনাশকালে বিপরীত বুদ্ধি কেননা ওরাই পরমাত্মা বাবাকে সর্বব্যাপী বলে। বিনাশকালে তোমাদেরই প্রীত বুদ্ধি থাকে। তোমরা বাবাকে জানো। তোমরা বুঝেছ - আমরা ৮৪ জন্ম নিয়েছি। ৮৪ জন্ম নিতে নিতে আমরা পাপ আত্মা, তমোপ্রধান হয়ে গেছি। ভারতবাসী ৮৪ জন্ম নিয়েছে। এখন নাটকে সম্পূর্ণ হয়ে এসেছে, সবাইকে ফিরে যেতে হবে। তোমাদের বাবা রাজাযোগ শেখাচ্ছেন। এটা সকলের অন্তিম সময় অর্থাৎ মৃত্যুর সময়। যাদবদেরও ঈশ্বরের প্রতি ভালবাসা জন্মায়নি, এইজন্য বিনাশ কালে তাদের বিপরীত বুদ্ধির উদয় হয়। কোনও দেহধারী মনুষ্যের প্রতি প্রীত রাখা ঠিক নয়। ওরা তো হচ্ছেই রচনা, বাবার থেকে ওরা বরসা পায়না। ভাই ভাইয়ের কাছ থেকে বিশ্বের রাজ্য অধিকার তো পেতে পারেনা তাই - না! এতো যথার্থ্য ভাবে বোঝানো হয়েছে। বাবা এসে আবার কাঁটা থেকে ফুল বানিয়ে তোলেন। মনুষ্য পাঁচ বিকারে মধ্যে পড়ে পতিত হয়ে যায়। এখন হচ্ছেই রাবন রাজ্য। সত্যযুগ ছিল দৈবী রাজ্য। শিববাবাই স্বর্গপুরী রচনা করেন। এই স্বর্গপুরীতে সূর্যবংশীয় লক্ষ্মী - নারায়ণের রাজত্ব ছিল। এখন তোমরা জেনেছ স্বর্গরাজ্যের স্থাপনা শুরু হয়েছে। বিনাশকালে তোমাদের প্রীত বুদ্ধির জন্যই বিজয় প্রাপ্ত হয়। এটাই খুব ভালো করে স্মরণে রাখতে হবে। আমরা ভারতবাসী যারা কলিযুগে আছি তারা আবার পতিত থেকে পবিত্র হয়ে পুরানো দুনিয়াকে ত্যাগ করে স্বর্গে চলে যাব। এই বিকারি সম্বন্ধ হলো বন্ধনের আরেক নাম। তোমরা বিকারী বন্ধন থেকে নির্বিকারী সম্বন্ধে গেলে তবে পরের জন্মে বিকারী বন্ধনে আসতে হবেনা। ওখানে সবই নির্বিকারী সম্বন্ধ, এই সময়ের বন্ধন আসুরিক। আত্মা বলে আমাদের শিববাবার সাথে ভালবাসা . . . তোমাদের ব্রাহ্মণদের প্রীত আছে কেননা তোমরা প্রকৃতরূপে বাবাকে জেনেছ। বাবাকে, সৃষ্টিচক্রকে জেনে তোমরা আবার অন্যদেরকেও বোঝাও। যে যত অন্যকে বোঝাবে সে ততো অনেকের কল্যাণ করবে। যে যথার্থভাবে বুঝে জ্ঞান ধারণ করতে পারে সেই উঁচু পদ পায়। সর্ভিস কম করলেও পদ কম হয়ে যাবে। সারা দুনিয়া পতিত হয়েছে। প্রত্যেককে পবিত্র হওয়ার রাস্তা দেখাতে হবে, এছাড়া কোনও উপায় নেই। স্মরণের পথেই বিকর্ম বিনাশ হবে। যারা দৈবী সম্প্রদায়ের তাদের মধ্যে শব্দগুলো গুঞ্জরিত হবে (গুনগুন করা), বুঝতে পারবে এতো সব ঠিক কথা। বরাবর আমরা দেবী - দেবতা হয়ে এসেছি। আমাদের ভোজনও শুদ্ধ হওয়া চাই। এখানে দৈবী গুণ ধারণ করে সর্বগুণসম্পন্ন হতে হবে। এখন তোমরা তৈরি হচ্ছে। তোমরা বাচ্চারা এখন জেনেছ - বিনাশকালে ওরা বিপরীত বুদ্ধিতে চলবে আর তোমাদের প্রীত বুদ্ধি থাকবে বাবার সাথে। এর মধ্যেও যে তীর প্রীত বুদ্ধির সে বাবার সাথে সম্পূর্ণ রূপে আনন্দিত থাকবে। আমরা বাবার থেকে ২১ জন্মের স্বর্গের রাজ্যভার নিই। একমাত্র বাবাই ঠিক বলেন যে, অন্য কারও সাথে সন্তুষ্টি না রাখতে। যখন নতুন বাড়ী বানানো হয়, তখন নতুন বাড়ীর প্রতি একটা ভালবাসা তৈরি হয়। বোঝাই যায় যে পুরানো বাড়ী ভাঙা হবে। সেরকম আমরাও পুরানো দুনিয়া থেকে আমাদের মন সরিয়ে নিচ্ছি। বাবা বোঝাচ্ছেন - দিনকে দিন বায়ুমণ্ডল খারাপ হতে থাকবে। দেখছই তো কত অশান্তি, গল্ডগোল লেগেই রয়েছে, এইসব থেকে বুঝবে এই পুরানো দুনিয়া শেষ হয়ে যাবে। আমাদের যেতে হবে নতুন দুনিয়াতে। তাই নতুন দুনিয়াকে স্মরণ করতে হবে। বেহদের বাবা আর বিশ্বের রাজত্ব স্মরণ করতে হবে, অন্য কাউকে স্মরণ করলে কিছুই পাওয়া যাবেনা। মনুষ্য ভক্তিমার্গে কত স্মরণ করে। মা - বাবা, বন্ধু - বান্ধব, পরিজনকে স্মরণ করেও আবার দেবী - দেবতাদের কত স্মরণ করে। গঙ্গাজলে স্নান করে, এই গঙ্গাকে পতিত - পাবনী বলে। দেখানো হয়েছে তীর মেরেছে আর গঙ্গা বেরিয়ে এসেছে। মৃত্যু সময় উপস্থিত হলে মুখে গঙ্গাজল দেয়া ভাবে একটু গঙ্গাজল পেলে মুক্তি পেয়ে যাবে। বাবা বলেন - এখানে হয় জ্ঞানের কথা। তুমি

অল্প জ্ঞানও যদি শোনো তার ফল পেয়েই যাবে । এই জ্ঞান , শোনার জন্য । অমৃত পানের জিনিস নয় , এটা হচ্ছে জ্ঞান অর্থাৎ জ্ঞানামৃত । এরকম ভেবোনা যে ভোগের দিন অমৃত পান করানো হয় না , সেতো মিষ্টি জল । এখানে তো হচ্ছে জ্ঞানের কথা । জ্ঞান অর্থাৎ বাবা আর সৃষ্টির আদি -মধ্য -অন্তকে জানা - কিভাবে এই সৃষ্টিচক্র ঘোরে , কে ৮৪ জন্ম নেয় । সবাই এই জ্ঞান নিতে পারেনা। প্রথম -প্রথম ভারতবাসীই আসে , তারাই ৮৪ জন্ম নেয় । যাঁরা দেবতা ছিলেন তাঁরাই ৮৪ জন্ম ভোগ করে পতিত হয়ে যান । এই লক্ষ্মী -নারায়ণ দেবী -দেবতা , এনাদের ভোগে কি সিগারেট ইত্যাদি দেওয়া হয় ? সিগারেটে আসক্ত কেউই উঁচু পদ পেতে পারেনা । এটা কোনও দৈবী জিনিস নয় । সিগারেট বা পিঁয়াজ ,রসুন খেলে আরও নীচে নেমে যাবে । বলে , এসব খাওয়া ছেড়ে দিলে শরীর খারাপ হয়ে যায় । বাবা বলেন - শিববাবাকে স্মরণ করো । এই সব অভ্যাস ছেড়ে দিলে তোমাদের সদগতি হবে । সিগারেটের অভ্যাস অনেকের মধ্যেই থাকে । বুম্বিয়ে দেওয়া হয় , দেবতাদের কখনও এই ভোগ দেওয়া হয়না । তোমাকে তো এঁদের মতো এখানেই তৈরি হতে হবে । তুমি খারাপ জিনিস খেতে থাকলে তার একটা গন্ধও বেরোতে থাকবে । সিগারেট বা মদাসক্ত লোকদের দূর থেকে গন্ধ আসে । তাই তোমাদের -বাচ্চাদের দৈবী গুণ ধারণ করে বৈষ্ণব হতে হবে । বিষ্ণুর সন্তান যেমন হয় , তোমরা বিষ্ণু অর্থাৎ দৈবী সন্তান হয়ে উঠছ । এখানে তোমরা ঈশ্বরীয় সন্তান । এটা তোমাদের সর্বোত্তম জন্ম । দেবতাদের থেকেও তোমরা উত্তম । তোমরা আরও অনেককে উত্তম বানাতে চলেছ । এই হচ্ছে বেহদের বাবার মেশিনারী । কৃষ্ণিয়ানদের মেশিনারী হয় তাই না ! কৃষ্ণিয়ানরা অনেককে নিজেদের ধর্মে পরিবর্তিত করেছে । কিন্তু এখানে ঈশ্বরীয় মেশিনারী । তোমরা শূদ্র থেকে ব্রাহ্মণ ধর্মে পরিবর্তিত হয়ে আবার দেবতা ধর্মে পরিবর্তিত হও । তোমরা জানো আমরা শূদ্র থেকে ব্রাহ্মণ হয়েছি । তোমরা জীবনে থেকেও জীবনের সকল স্পৃহা থেকে নিজদের মুক্ত করে তারপরে দেবতা হতে পার । সত্যযুগে তোমাদের জন্ম হবে গর্ভমহলে । এখানে বাবা তোমাদের ধর্মের বাচ্চা বানিয়েছেন অর্থাৎ ধর্মের পথে চালিত করেছেন , তোমাদের ধর্মাত্মা তৈরি করতে । বাবা তোমাদের আপন করেছেন । বাচ্চাদের বাবা শেখান , ব্রাহ্মণ থেকে আবার দেবতায় পরিণত হও । এই মনুষ্যরা কত উঁচুতে , দৈবীগুণ সম্পন্ন । যখন তোমরা আত্মারা পবিত্র হবে তখন শরীরও পবিত্র হতে হবে । পুরানো শরীর শেষ হয়ে আবার তোমাদের নতুন সত্যোপধান শরীর চাই । সত্যযুগে পাঁচ তন্ত্রও সত্যোপধান হয়ে যাবে । বাবা বলেন - তোমরা শূদ্র বর্ণের ছিলে । এখন আবার ব্রাহ্মণ বর্ণের হয়েছ তারপরে আবার দৈবী বর্ণে এসে যাবে । ৮৪ জন্ম যে নিতে হবে । ব্রাহ্মণ বর্ণকে নিশ্চল করে রেখেছো এখন বাবা শূদ্র থেকে ব্রাহ্মণ বানিয়ে পুনরায় দেবতা বানান । এখন তোমরা ব্রাহ্মণেরা শীর্ষস্থানে পৌঁছেছ । ডিগবাজি খেলা (মাথা নীচু করে পা শূন্য তুলে উল্টে পড়া) তাই -না ! অর্থাৎ আমরা প্রথমে শীর্ষে থাকি ধীরে ধীরে কলা কমে শীর্ষ থেকে নীচে নেমে আসি , আদি -মধ্য -অন্তকাল ধরে এই ডিগবাজি খেলা চলতে থাকে । এখন ব্রাহ্মণ আবার দেবতা , ক্ষত্রিয়একেই চক্র বলা হে থাকে । এখন তোমরা ব্রাহ্মণ বর্ণের হয়েছ । এই জ্ঞান তোমাদের হয়েছে পরে তো প্রারম্ভ ভোগ করবে (পূর্ব জন্মার্জিত কর্মফল) । এই সময়ে পুরুষার্থ করে যারা শ্রেষ্ঠত্ব অর্জন করবে তারা ওখানে ২১ জন্ম যাবৎ সদা সুখী থাকবে । কেউ রাজ বংশে , কেউ প্রজাতে যাবে । রাজ পরিবারে সুখই সুখ তারপরে আবার কলা কমে যায় । তোমরা ৮৪ জন্মের জ্ঞান পেয়েছ । স্মৃতিতে আসছে । বাবা এসে বুম্বিয়ে দেন মিষ্টি -মিষ্টি বাচ্চারা , তোমাদের এখন ৮৪ জন্মের চক্র সম্পূর্ণ হয়েছে । কেউ কেউ ৮৪ জন্ম , ৮০, ৫০, বা ৬০ জন্মও নিয়ে থাকে । সবার থেকে বেশী সুখ তোমরা ভারতবাসীরা দেখ । এই ড্রামাতে তোমাদের নাম সবচেয়ে উপরে । দেবতাদের থেকেও তোমরা উঁচুতে । তোমরা জানো যে আমরাই সেই পূজ্য হই । সত্যযুগে আমরা কাউকে পূজো করিনা

আবার আমাদেরও কেউ পূজো করে না। ওখানে আমরা হচ্ছিই পূজ্য, পরে ধীরে ধীরে কলা কম হয়ে যায়। আমরা পূজ্য থেকে আবার পূজারী হয়ে মাথা নত করি। দ্বাপরে এসে আমরা পূজারী হতে শুরু করি। অন্তিমে সবাই আবার ব্যভিচারী হয়ে যাই। এই শরীর পাঁচ তত্ত্বের তৈরি, এই শরীরের যদি কেউ পূজো করে তবে তাকে বলা হয়ে থাকে ভূত পূজো। প্রতি একজনের মধ্যে পঞ্চভূত (পাঁচ বিকার) আছে। দেহ -অভিমানের ভূত, আবার কাম -ক্রোধের ভূত। ভূত সম্প্রদায় বলা বা আসুরিক সম্প্রদায় বলা ব্যাপার একই। বাবা এসে আবার দৈবী সম্প্রদায় তৈরি করেন। বাবা আসেন ভূতের অর্থাৎ পাঁচ বিকারের কবল থেকে উদ্ধার করতে এবং নিজের সাথে যোগ লাগিয়ে দেবতা বানাতে। গুরু নানকও মহিমা গেয়েছেন পরমপিতা পরমাত্মা মনুষ্যকে দেবতা বানিয়েছেন। উনিই পতিতকে পবিত্র বানানোর কারিগর। আচ্ছা।

মিষ্টি -মিষ্টি হারানিধি(সিকীলধে) বাচ্চাদের প্রতি মাতা -পিতা, বাপ দাদার স্মরণ -স্নেহ আর সুপ্রভাত। রুহানি বাবার (পরমপিতা পরমাত্মা) রুহানি বাচ্চাদের (আত্মাদের) নমস্কার।

ধারণার জন্য মুখ্য সার :-

১) ব্রাহ্মণ থেকে দেবতা হওয়ার জন্য যে -যে খারাপ অভ্যাস আছে সে সব ছাড়তে হবে। শূদ্রকে ব্রাহ্মণ ধর্মে পরিবর্তিত করে দেবতা বানানোর জন্য ঈশ্বরীয় মিশনের কার্যে সহযোগী হতে হবে। মদ, সিগারেট অথবা যে কোনও বাজে অভ্যাস যা কিছু আছে তা ত্যাগ করতে হবে।

২) এই বিনাশ কালের সময় এক বাবার সাথে সত্যকার ভালবাসা রাখতে হবে। পুরানো বাড়ী ভাঙা পড়বেই এইজন্য এর থেকে মন সরিয়ে নতুনের সাথে জুড়তে হবে অর্থাৎ পুরানো দুনিয়ার বিনাশ অবশ্যজ্ঞাবী জেনে নতুন দুনিয়ার স্থাপনায় মন লাগাতে হবে।

বরদান :- মরজীবা স্থিতি দ্বারা হিম্মত আর উল্লাসের অবিনাশী স্ট্যাম্প লাগানোর কারিগর, প্রাপ্তি সম্পন্ন ভব (হও) !

যে প্রাপ্তির দ্বারা সম্পন্ন হবে তার প্রত্যেক আচার -ব্যবহারে, নয়নে নিশ্চয়তার উদ্যম -উৎসাহ প্রকাশ পাবে। কিন্তু হিম্মত আর উল্লাসের অবিনাশী স্ট্যাম্প লাগানোর জন্য নিজের অতীত বা ঈশ্বরীয় মর্যাদার বিপরীত সংস্কার, স্বভাব, সঙ্কল্প বা কর্ম যা কিছু হয় তার থেকে মরজীবা হও। প্রতিজ্ঞারূপী স্থিতিতে স্থিত হয়ে বাস্তবে প্রতিজ্ঞা প্রমাণ হয়ে চলতে থাকো। হিম্মতের সাথে উল্লাস থাকলে প্রাপ্তির ঝলক দূর থেকেই দেখা যাবে।

স্লোগান :- অনেকের মাঝে বা সংকট কালে ডাবল লাইট স্থিতিতে থাকার অধিকারীই ধারণামূর্ত হয়।